

HE PANUITANGA KI TE IWI MAORI.

Tari o te Minita o te Ora mo te Katoa
Poneke, 10 a Aperira, 1919.

I TE ekenga mai i nga motu o tawhiti ki enei motu i mua tata ake nei o te mate rewharewaha uruta (*influenza epidemic*) he tino maha nga tangata o te iwi Maori me te iwi Pakeha i hingahinga i taua mate. Kei tupono tera ano taua mate e hoki mai, notemea kua pera hoki ki etahi atu motu. Na reira ko tatou me noho i runga i te tupato me te noho tiaki ki taua mate. Ko te huarahi marama ia he whakapai i nga kainga he tahi he horoi i nga whare he koko i nga paru me nga kino ka hari ki wahi ke kia mamao atu i nga kainga Maori me nga taone. Ki taku whakaaro hoki me karanga he huihuinga ki ia takiwa ki ia takiwa a kia whakaturia he Komiti mo ia kainga huihuinga hei whakahau kia whakaritea nga tikanga horoi i nga whare a hei tahi i nga kainga kia takoto pai ai kia takoto ma ai. Me tahi ia whare ia ruuma kia ma rawa, ko nga puehu me nga paru me koko ki waho ka tapuke atu. Ko nga paru hoiho kau ranei me whakawhahi ka tahu ai ki te ahi. Ko nga whare me nga taepea poaka me whakapai ka tahi kia ma, ko nga paru me tapuke atu. Ko nga paru manu katoa me tapuke atu. Ko nga puna wai me nga korere wai me pai tonu te tiaki kei taka he kino he paru ranei ki roto, kei tae ranei he manu he kararehe ranei ki reira inu wai ai a ka kino te wai.

Me whakarite ki ia kainga ki ia kainga he whare hei hohipera mo te tupono rawa ake o te hoki mai o taua mate e noho rite ana he whare motuhake hei takotoranga turoro, e watea ana ki tahaki ke o te nuinga o nga tangata. Ina tupono ki taua wa me waiho kia kotahi tonu he tangata hei tomo ki roto ki taua whare ara ko te tangata e whakaritea ana hei kai-tiaki mo taua whare.

Mehemea ka rite a ka hangai hoki te whakahaere i enei tikanga katoa e tino mohio ana au e kore e rite te whiu a taua mate a muri ake nei ki tona whiu i tona taenga mai ka hori ake nei. Na reira, ka inoi ahau ki nga rangatira Maori

katoa me te iwi nui kia tahuri kia awhina i tenei mahi tino nui. Kana e waiho kia eke rawa mai te hoa riri ki runga ki te pae ka korikori ai. I tawhiti ano ia e haere ana mai e hopu ana to ringa ki te patu. To patu ki to ringa mau ai inaiane.

G. W. RUSSELL,
Minita mo te Tari Whakaora.

T. H. A. VALINTINE,
Apiha Tumuaki o te Tari Whakaora.

CONTENTS.

LANDS—	PAGE
Proclaiming Native Land to be Crown Land ..	571
Prohibiting all Alienation of certain Native Land other than Alienation in favour of the Crown ..	572
NOTICES—	
Sitting of the Native Land Court at—	
Te Kuiti	572-583
Kaiapoi	584-587
Sitting of the Native Appeal Court at Rotorua ..	583
Adjournment of the Sitting of the Native Land Board at Wellington and Court and Board at	
Temuka	584
Adoption of a Child	587
Meetings of Maori Land Boards—	
South Island District, at—	
Temuka	587
Koputai (Port Chalmers)	591
Invercargill	591
Waikato-Maniapoto District, at Thames	588-590
Meeting of Assembled Owners, Aotea District ..	591
Government Publications for Sale ..	591
Precautions regarding Influenza ..	592

I taia i runga i te Mana o te Kawanatanga o Niu Tireni, e MAKAHA MAKA, Kai-ta a te Kawanatanga, Poneke.